

Sakspapir

Saksnr	Utvalg	Type	Dato
094/20	Formannskapet	PS	20.08.2020

Saksbehandler	Arkiv	ArkivsakID
Asbjørn Nagell Toft	FA-C22, FA-K11	20/104

Samarbeidsavtale med Fønnes bygdelag om tilsyn av Dagsturhytta ved Vardetangen

Vedlegg:

Driftsavtale Gytta

Framlegg til vedtak:

Rådmannen får fullmakt til å slutføra tilsynsavtale mellom Austrheim kommune og Fønnes Bygdelag om drift av Dagsturhytte ved Vardetangen. Dersom Bergen og Omland Friluftsråd (BOF) tek ansvar for drift av toalettanlegget vert det årlege beløpet redusert, det vert innbakt i tilsynsavtalen. Tilsynsavtalen vert lagt fram for formannskapet som orienteringsak.

Formannskapet - 094/20 - 20.08.2020

FS - behandling:

Samarbeidsavtalen var ettersendt til formannskapet (ligg ved).

Ordførar Per Lerøy (Ap) sa at dette er ein god avtale for kommunen.

Asbjørn Toft, avdelingsleiar for plan-, bygg-, oppmåling- og miljøavdelinga, sa at dagsturhytta vert levert torsdag 17. september, med toalettbygget. Vil i første omgang ha eit muld-do, med moglegheit til å montera tett tank i underkant dersom det skulle visa seg naudsynt.

Handsaming i formannskapet:

Samrøystes for å ta rådmannens framlegg til vedtak.

FS vedtak:

Rådmannen får fullmakt til å slutføra tilsynsavtale mellom Austrheim kommune og Fønnes Bygdelag om drift av Dagsturhytte ved Vardetangen. Dersom Bergen og Omland Friluftsråd (BOF) tek ansvar for drift av toalettanlegget vert det årlege beløpet redusert, det vert innbakt i tilsynsavtalen. Tilsynsavtalen vert lagt fram for formannskapet som orienteringsak.

Saksopplysninger:

Austrheim kommune får i løpet av september 2020 på plass ei universelt utforma Dagsturhytte og toalettanlegg ved Vardetangen. Vestland fylkeskommune krev ei at ei tilsynsavtale skal vera på plass med eit lokalt lag med å halda hytta i god stand og ryddig.

Avtale om tilsyn av Dagsturhytta skal gjerast med Fønnes Bygdelag. Vedtaket i kommunestyret den

30.04.2020 i sak 043/20 var mellom anna følgjande:

Austrheim kommune etablerer på gbnr. 131/277 og på kommunal grunn ei Dagsturhytte på opparbeidd plass ved Vardetangen. Avtale om tilsyn av hytta vert gjort med Fønnes Bygdelag etter at byggjeløyvet her er formelt på plass.

Det vart gjeve byggjeløyve til Dagsturhytta den 27.05.2020.

Den 11.06.2020 i sak 087/20 gjorde formannskapet følgjande tilleggsvedtak:

Austrheim kommune etablerer universelt utforma toalettanlegg ved Dagsturhytta ved Vardetangen.

Austrheim kommune fekk denne e-posten frå Fønnes Bygdelag den 5. april 2020:

Fønnes bygdelag har behandla henvendelsen i styremøte 04.04.2020 og gjorde følgjande vedtak:

Fønnes bygdelag er positive til at Austrheim kommune byggjer dagstur hytte på Vardetangen og meiner dette er eit godt tiltak for å gjera turområdet/turstien meir attraktiv og at dette vil skapa fleire aktivitetar i området. Fønnes bygdelag vil ta på seg ansvaret med ettersyn/tilsyn av hytta og halda god kontakt med kommunen om tilstand. Feil eller manglar som måtte oppstå, vil verta rapportert skriftleg.

Med helsing

Øystein Austrheim

Leiar i Fønnes bygdelag

Austrheim kommune sendte den 11.august 2020 eit utkast til tilsynsavtale til Fønnes bygdelag. Utkastet er basert på **Sunnfjord kommune** sin driftsavtale av Dagsturhytta si med laget **Gyttas venner**. Den er vedlagt i saka, men er som vist under:

Driftsavtale for dagsturhytta Gyttå

Driftsavtalen er inngått mellom:

Sunnfjord kommune og Gyttas Venner

Avtalen gjeld for perioden 2020 – 2024 (5 år) og inneheld desse avtalepunkta:

- Tilsyn av hytta og utedo
- Kontrollere/halde oppsyn med solcelleinstallasjon og vedomn i hytta
- Vask av hytte og utedo etter behov og i samråd med kommunen
- Fylle på med toalettpapir ved behov
- Setje opp eventuelle informasjonsplakatar til brukarane av hytta
- Sjå etter og halde orden i nynorsk biblioteket inne i hytta
- Sjå til og legge ut ny turbok når den er fullskriven
- Generelt vedlikehald. Utgifter til reparasjon må avklarast i forkant med kommunen.

For utførte tenester sender Gyttas Venner faktura til Sunnfjord kommune på kr. 20 000,- innan den 01.09.2020.

Avtalen skal reforhandlast i løpet av 2024.

Når det gjeld drift av toalettanlegget var det i utgangspunktet tenkt at Austrheim kommune skulle ta dette, men administrasjonen har teke kontakt med Bergen og Omland friluftsråd (BOF) for å sjå om dei kan drifta anlegget parallelt med at dei driftar sine friområde i Årvikane, Øksnes med fleire. Austrheim kommune har ikkje fått svar enno frå BOF om dette, men administrasjonen ser på dette som den beste løysinga totalt sett både på kort og lang sikt.

Vurdering:

Rådmannen synes det er positivt at Dagsturhytta med toalettanlegg vert etablert i Austrheim kommune i september 2020. Rådmannen meiner difor at ein tilsynsavtale formelt bør koma på plass med Fønnes bygdelag med det første. Dette med avtale med lokalt lag er i samsvar med vilkår sett av Hordaland fylkeskommune for tildeling av midlar til Dagsturhytte i kommunane. Toalettanlegg ved Vardetangen var ikkje med i vedtaket gjort den 30. april 2020, men kom inn i eige politisk vedtak den 11. juni 2020.

Rådmannen ber no om fullmakt til å slutføra tilsynsavtale med Fønnes bygdelag basert på driftsavtalen i Sunnfjord kommune. Dersom drift av toalett kan gjerast av BOF tek Austrheim kommune dette ut av avtalen med Fønnes Bygdelag. Rådmannen synes den beste løysinga om BOF ikkje kan gjera dette er at Fønnes bygdelag får tilsynsansvaret for toalettet. Dette må då kompensast i avtalen. Sidan det vert fleire besøkjande til Dagsturhytta ved **Vardetangen** enn på **Gyttå** er det naturleg at det årlege beløpet som vert utbetalt til Fønnes Bygdealg vert noko større enn det Sunnfjord kommune betalar.

Dersom BOF tek driftsansvaret for toalettet vert det årlege beløpet redusert, denne fleksibiliteten

vert innbakt i avtalen. Rådmannen rår til at ein formell avtale mellom Austrheim kommune og Fonnes Bygdelag vert slutført og at den endelege avtalen kan leggst fram som ei orienteringsak når den er signert og formelt på plass.

Konklusjon:

Rådmannen får fullmakt til å slutføre tilsynsavtale med Fonnes Bygdelag om Dagsturhytte ved Vardetangen.